

重輯靜海縣志卷之三

災祥志

雨暘寒燠風天之所以化成萬物貌言視聽思人之所以
修省一身讀洪範庶徵善行則召休徵惡行則召咎徵天
人之應捷於影響矣春秋爲聖人訓世之書二百四十年
間但紀災異而不紀祥瑞所以戒盈戒逸者意深遠哉蓋
時和年豐家給人足不言祥瑞而祥瑞在其中若夫陰陽
之愆星日之變上天所以垂象示儆也敢忘一日之修省
重輯靜海縣志

卷三 災祥

一

乎

明

嘉靖三十九年四十年連歲大饑人相食詔發帑銀若干
於畿輔地方賑之

隆慶四年大水知府丁誠申請撫按發穀賑恤

萬曆十四年飛沙迷天遇物有火拔木傷禾人心駭異

萬曆二十四年歲饑撫按題請發德州倉米數萬石分賑
天啟五年飛蝗蔽天蝻蝻積地盈尺

崇禎十三年夏秋飛蝗蔽天禾苗枯槁民饑死者大半

國朝

順治十年大水淹沒田禾漂壞屋宇十一年秋水漲溢穀
收荒歉

康熙七年春夏亢旱未獲播種秋水漲發禾稼被淹沿河
兩岸稍收秋禾

乾隆二年正月邱家莊民姜崇貴妻一產三男奉

旨恩賜布米銀十兩

重輯靜海縣志

卷三 災祥

二

乾隆二十八年秋稼將熟忽飛蝗來自東北一朝食盡

乾隆四十八年春雨優渥禾稼徧野六月飛蝗食盡

乾隆五十五年秋大水淹沒禾稼歲饑

乾隆五十七年春夏大旱立秋後始雨稼不能熟道殣相

望

乾隆五十八年大有年

乾隆六十年無麥秋蝗蝻爲災黎民窘饑

嘉慶六年西北山水奔溢汪洋數百里民舍漂溺甚多

嘉慶九年雙窰窪內蝻孽蠕動蔓延數十里甚難撲捕一夜烈風忽作吹蝻無蹤遂亦有秋

嘉慶十一年夏有麥秋蝗害稼

嘉慶十六年六月十六日烈風雷雨拔木樹吹折運艘桅杆無算風定後東城魁星閣不知所之

道光元年瘟疫流行民死甚眾

道光三年雨雹傷麥秋禾水淹民多流離

道光十二年春夏大旱七月淫雨大水傷稼

重輯靜海縣志

卷三 災祥

三

道光二十年秋淫雨月餘河水漲溢禾稼盡沒

咸豐三年三月初七日申刻降雪五寸繼以淫雨五月二

麥被淹衛河決口澎湃百餘里平地行舟九月二十

六日髮逆竄入境內土匪蜂起男婦逃命蹂躪極慘

咸豐四年逆匪敗遁兵燹方熄夏有麥秋中稔

咸豐五六年均有飛蝗之災

咸豐十一年四月初四日午刻黃風五月二十三日彗星

見於西北隅白氣衝於東南六日乃沒九月初旬西

南一星甚大極明光芒四射十月朔日食秋災遭蟲
禾穗成灰

同治元年二月二十六日申刻黑風大作白晝如夜風忽
改紅初更後大星飛颺天地皆赤行人有被塵垢吹
死者次晨風息六月大疫死者枕籍雖至親不敢往
弔

同治二年四月初三日晚有星大如斗後連數小星如火
毬起於東南流於西北落後有聲如雷六月初一日
晚有星光起於東北落於西南大如斗

重輯靜海縣志

卷三 災祥

四

同治六年大旱清河子牙河及淀俱涸衛河走車六月雨
布種

同治七年四月捻匪竄擾東鄉殉難男女二千餘人

同治九年秋潦成災三冬無雪

同治十年自正月至四月不雨五月二十六日大雨六七
兩月淫雨傾盆各河漲發四境之內水深一丈有餘
及數尺不等陸地行舟禾稼湮沒房牆倒塌過半

同治十一年文安窪水漲發西鄉秋禾被淹

論曰堯水九年湯旱七載而民登仁壽域者帝王補救之功大也我

朝聖聖相承保民念切偶遇水旱之災小則蠲賦大則議

賑歷年

恩詔詳紀青縣志蠲恤條內茲不復錄靜海當同治十年十一年水患尤慘在粟紅貫朽之家義當恤鄰而鄭之罕宋之樂邑中寥寥無幾時直隸制軍爲

重輯靜海縣志

卷三 災祥

五

李相國截留漕米並率 道憲丁 府憲馬各捐米梁

前後奉發約二萬二千石又發銀二萬二千二百餘兩又本縣及紳富捐米一千四百石賑撫十年十一年饑民又前後奉發棉衣約一萬四千件以恤民寒

了道憲各處設立粥廠捐糴黍米派員經理並南皮縣張殿撰初陞閩浙總督遠在二千里外垂情桑梓捐送棉襖棉褲由是津屬災黎饑者食之寒者衣之始免擠於溝壑矣雖然淒風苦雨由人感召吾民苟存心仁厚

自足以銷沴戾之氣而玉燭調協斗區金鍾之賜何可恃以爲長也哉相國印鴻章觀察印壽昌均合淝縣人

物產志

穀屬 稻 黃白米 黍 稷 蕎麥 大小麥 秋麥

脂麻 稷稗 大小麻子

蠶豆 豌豆 黃白赤青紫黑茶 豆有十種

蔬屬 白菜 芥 芹 芫荽 甜菜 蒲筍 赤根

蓮藕 金鍼 匾豆 羊角豆 韭 葱 蒜 白花

重輯靜海縣志

卷三 物產

六

黃芽 玉環 山藥 蔓菁 茄 瓠 葫蘆 茴香

銀條 雞頭 紅白蘿蔔 莧菜 菠菜 蒿苳

瓜屬 東西南北甜菜絲王 瓜有八種

果屬 核桃 梨 棗 桃 杏 文官 菱芰 蓮子

桑椹 蘋果 花紅 石榴 林檎 無花果 柿 榛

草屬 苜蓿 蘆 蒲 蓬蒿 白蘋 菖蒲 水葱

艾 莎 鐵掃帚

木屬 榆 柳 槐 桑 杜 柏 椿 楊 桐 楸

| | | | | | | |
|-----|----|-----|-----|-----|-----|-----|
| 花屬 | 丁香 | 蓮花 | 紅蓼 | 木槿 | 榴花 | 海桐 |
| 鳳仙 | 紫薇 | 萱花 | 石竹 | 雞冠 | 金雀 | 向日葵 |
| 月季 | 玫瑰 | 玉簪 | 黃簪 | 薔薇 | 迎春 | 菊花 |
| 芍藥 | 海棠 | | | | | |
| 藥屬 | 益母 | 薄荷 | 兔絲 | 車前子 | 茵陳 | 地膚子 |
| 蛇牀子 | 瞿麥 | 艾葉 | 馬蘭花 | 青箱子 | 桑白皮 | |
| 扁蓄 | 蘆根 | 夏枯草 | 萱花根 | 獨蓮 | 茅根 | 槐花 |
| 地骨皮 | 芡實 | 蟬蛻 | 馬齒莧 | 桃仁 | 杏仁 | 香附 |
| 草麻子 | | | | | | |

重輯靜海縣志

卷三 物產

| | | | | | | | | |
|----|----|-----|----|---|---|----|----|----|
| 羽屬 | 家雞 | 雉雞 | 鵝 | 鴨 | 鶉 | 狹脚 | 鴿子 | 烏 |
| 鴛鴦 | 鷓鴣 | 鳩 | 燕 | 雀 | 鷺 | 鷗 | 鷄 | 梟 |
| 鵲 | 鴿 | 鷹 | 啄木 | | | | | |
| 毛屬 | 馬 | 騾 | 驢 | 牛 | 羊 | 兔 | 獾 | 狐狸 |
| 獐 | 豬 | 狗 | 狷 | 貓 | 鼠 | 蝟 | | |
| 鱗屬 | 鯉 | 鯽 | 鱸 | 鮎 | 鯖 | 魴 | 鱧 | 鰱 |
| 白條 | 鰻 | 回網魚 | | | | | | |

介屬 紅鰕 線鰕 蟹 螺 蛤 蚌 鼈 鯉

附 青蛙 雞 田 蟾 蛛

蟲屬 螢火 螳螂 蚯蚓 促織 蠶蛾 蠅 蜜蜂

土蜂 馬蜂 蝸牛 鳴蟬 螽斯 蚊 蝴蝶 蜻蜓

蝙蝠 寒蟬 螞蚱 蜘蛛 蜥蜴 蠅虎 螳 蟬

蜚螂 蛇 蜈蚣 螻蛄 螺贏 蠍

釀屬 燒酒 獨流醋 鰕醬 香油

論曰民以食為天故稼穡為寶靜邑土薄而鹵三農耕

重輯靜海縣志

卷三 物產

八

植雖豐稔食亦不足所藉以補濟者水國之利耳然澤

之萑蒲舟鮫守之藪之薪蒸虞侯守之誇府海官山之

雄而損下益上其如股我以生何今則任民取子而官

不疵瑕吏不侵牟蒙其麻者何幸逢有道之天下哉

或謂物產之利蠶桑最厚昔方制軍何以教民種棉而

不教種桑曰姑勿論他處就靜邑言之殊覺不宜南方

當養蠶之時節氣清和此地四月間忽煖忽寒蠶易受

病是於天不宜詩云山有桑隰有楊南方多岡阜桑茂

葉肥此地多卑濕桑萎葉薄蠶不得飽食是於地不宜
南方養之樓上無煙火熏蒸無風塵侵吹此地八口之
家僅住草房三四間雞犬遭踐孩童便溺柴薪堆積灰
土沾污蠶性潔淨何堪當此是於人不宜方制軍豈不
圖厚利哉蓋勢不宜也禹貢桑土既蠶曰兖州厥篚元
織縞曰徐州織貝纁組曰荊州揚州此地爲冀州但曰
島夷皮服而已考之於古證之於今可以得其大凡矣